

Surat khabar: Utusan Sarawak (Tempatan)

Hari/Tarikh: 19/7/2016

Muka surat: 5

Tajuk : Peserta dari 20 negara dijangka sertai Persidangan Kenyalang Antarabangsa

Peserta dari 20 negara dijangka sertai Persidangan Kenyalang Antarabangsa

KUCHING: Persidangan Kenyalang Antarabangsa kali ke-7 akan berlangsung pada 16 hingga 18 Mei 2017 di Hotel Riverside Majestic.

Persidangan kali ini bertemakan "Hornbills Fly Free, Fly High" yang dianjurkan bersama Perbadanan Perhutanan Sarawak (SPFC), Universiti Malaysia Sarawak (UNIMAS) dan Biro Konvesyen Sarawak.

Persidangan ini membincangkan mengenai Status Pemuliharaan

Kenyalang-Jumlah, Perdagangan dan Ancaman, Biologi dan Penternakan Kenyalang, Pemecahan dan Penyambungan Habitat, Kepentingan Kenyalang-Ekosistem, Budaya, Pelancongan dan Kesedaran.

Pihak pengajur menjemput 30 penceramah kebanyakannya dari negara-negara Asia iaitu Profesor Emeritus Dr. Pilai Poonswad daripada Yayasan Penyelidikan Kenyalang, Dr Juan Carlos Tecson Gonzales

dari Universiti Filipina, Yok Yok Hadiprakarsa daripada Persatuan Pemuliharaan Kenyalang Indonesia, Dr Alan Kemp dari Perpindahan dan Semulajadi dan Dr Vijak Chimchome daripada Yayasan Penyelidikan Kenyalang.

Dalam pada itu, pengajur turut menjangka kehadiran seramai 100 orang hingga 150 orang para peserta dari 20 negara seperti Malaysia, Indonesia, Brunei, Thailand, Philippines, Lao

PDR, Singapura, Kambodia, Australia, India, Jepun, Sri Lanka, Bhutan, Bangladesh, Amerika Syarikat, Kanada, Afrika Selatan, Jerman dan Netherlands.

Menurut Timbalan Setiausaha Kerajaan Negeri Sarawak, Datu Ose Murang, pelancongan Sarawak mementingkan budaya, pengembawaan dan alam semulajadi yang dapat menarik perhatian pelancong yang datang ke Sarawak.

"Kenyalang merupakan

salah satu simbol yang merupakan benda semulajadi yang dapat menarik perhatian pelancong.

"Orang utan juga merupakan spesies yang dapat membawa masuk pelancong ke Sarawak terutamanya ke Kuching," katanya dalam sidang media di Pejabat Setiausaha Kerajaan Negeri, Wisma Bapa Malaysia, semalam.

Tambah Ose, beliau berharap rakyat Sarawak dapat melihat kenyalang

terbang berdekatan media ini, Timbalan Bandaraya Kuching dan berharap pelancong juga dapat merasai perkara yang sama tanpa ada ancaman.

"Saya berharap, burung kenyalang dapat terbang dengan bebas di seluruh Sarawak dan bukan hanya di taman negara di mana ia dapat merealisasikan "mimpi" rakyat Sarawak yang selama ini ingin melihat kenyalang dengan lebih dekat lagi," ujarnya.

Turut hadir sidang

media ini, Timbalan Penugurus Besar Bahagian Pemuliharaan Kawasan Terlindung dan Biodiversiti, Sarawak Foresty, Oswald Braken Tisen serta Ketua Jabatan Zoologi Fakulti Sains Sumber dan Maklumat, UNIMAS, Mohd-Azlan J. Azad.

Maklumat lanjut mengenai persidangan ini, layari internationalhornbillconference2017.com

— Nur Ain Otsman